

Mumh Rox Gangj Gojsaeh

会 讲 故 事 的 胡 子



Gij mumh daxgoeng yiengz lumj rox gangj gojsaeh nei, moix baez de lumh gij mumhau de, couh miz gojsaeh ndei dingq gangj okdaeuj.

Gij gojsaeh neix, mbouj dan yiengziq haengj dingq, gij doenghduz henzgyawj caemh haengj dingq. Baez daengz banhaemh, daihgya cungj buet gvaqdaeuj humx daxgoeng yiengz, dingq de gangj gojsaeh.

“Caiq gangj aen ndeu, caiq gangj aen ndeu……” Daihgya cungj dwg dingq aen youh aen gojsaeh, lumj ciengxlwenx cungj dingq mbouj gaeuq nei.

Daxgoeng yiengz caemh haengj gangj gojsaeh hawj daihgya dingq. Miz seiz de itmienh gangj itmienh riuwhw.

Mboujgvaq, mbouj rox vih gijmaz, duenh seizgan neix, daxgoeng yiengz gangj gojsaeh yied daeuj yied dinj, yied daeuj yied noix, yied daeuj yied mbouj ndei dingq lo. Doenghduz cungj yousim: De dwg mbouj dwg bingh lo? Gij gojsaeh de yaek gangj liux la?

“……Itdingh dwg gij mumh daxgoeng yiengz

yied daeuj yied noix, ndigah gojsaeh de cij yied daeuj yied noix lo.” Duzlingz iq gangj.

Duzlingz iq gangj ndaej miz dauhleix, aenvih daihgya fatyienh, gij mumh daxgoeng yiengz yied daeuj yied noix, yied daeuj yied mbang. Seizneix, yienghlawz guh ne? Daihgya yied daeuj yied yousim lo.

Lij dwg duzlingz iq coengmingz, de siengj ok aen banhfap ndeu: “Ranz gou miz bingz raemx-majbyoem ndeu, yiengziq vaiq di dawz bae hawj daxgoeng mwngz yungh, yienghneix mumh daxgoeng mwngz couh gig vaiq maj okdaeuj lo.”

Yiengziq aeu bingz raemxmajbyoem ma ranz lo. Hoeng de yamq haeuj ranz, yawjraen gij mumh daxgoeng gaeng daeq bae liux lo.

Yiengziq itmienh daej itmienh gangj: “Daxgoeng, mwngz vih gijmaz daeq mumh bae liux lo? Gij mumh mwngz rox gangj gojsaeh bw…… Baezlaeng gyoengqdou mbouj ndaej dingq mwngz gangj gojsaeh lo.”

Daxgoeng yiengz anj mbat he, riu naeuz: “Mbouj youqgaenj law, gij mumh gou vanlij maj okdaeuj hane……Cijaeu gyoengqmwngz ngoenzngoeng gangj gojsaeh hawj de dingq, de couh maj ndaej vaiq lo.”

O, yienzlaiz dwg yienghneix ha. Yiengziq gangjip buet bae caeuq gyoengqdoi gangj.

Ngoenzhaenx banhaemh, gyoengq doenghduz boux riengz boux gangj gojsaeh hawj daxgoeng yiengz dingq. Va! Gyoengqde gangj ndaej ndeidingq raixcaix, daxgoeng yiengz dingq ndaej gig ciensim.

Gvaqlaeng, moix haemh cungj miz doenghduz iq gangj gojsaeh hawj daxgoeng yiengz dingq, gij mumh daxgoeng yiengz hix haemq vaiq maj okdaeuj lo.

Seizneix, daxgoeng yiengz youh hainduj gangj gojsaeh hawj daihgya dingq lo, hoeng de seizneix moix haemh cij gangj aen gojsaeh ndeu, gij seizgan wnq youz doenghduz iq gangj, gyoengq doenghduz iq gangj ndaej ndeidingq raixcaix, di ndeu hix mbouj beij daxgoeng yiengz ca.

(Cungh Yui)



Roegenq

燕子

环江思恩镇人和小学三年级 莫春宇

Mbouj rox seiz lawz, laj yiemhranz daxdaiq gou miz aen rongz roegenq ndeu. Gou roxsoq le couh ciengzciengz bae ranz daiq cazyawj roegenq. Roegenq bwn ndaemndwt ronghlwenq, mbin vaiq lumj naq nei, yaepyet ngiengx gyauej mbin hwnj gwnzmbwn, yaepyet ngaem gyauej mbin roengz gwnzdieg……Naengz seizbienh cienq bae cienq dauq, dawz bonjsaeh mbin de youq gwnzmbwn gvangqlangh baij okdaeuj.

Gyoengqvunz haenh roegenq, gangj de dwg roeg mizik, dwg baengzyoux ndei gomiuz, aeu baujhoh de, mbouj sienghaih de, de hawj vunzloih daiq daeuj ndeicawq gig lai, gyoengqvunz gig gyaenz de.

Hoeng, roegenq hix miz giz mbouj ndei. Roegenq lau nit, mbouj miz bonjsaeh re nit. Moix baez daengz seizdoeng nit raixcaix seiz, de couh lizhai diegcoj deuz daengz baihnanz bae, ndoj ndaej mbouj miz ngauez mbouj miz riz. Louz youq gwnz liengz dwg rongz hoengq caeuq bwnhaex. Danghnaeuz roegenq mbouj lau nit, mbouj luenh youq laj yiemhranz ok haex, couh engq maenhndei engq hawj vunz gyaenz lo.

(指导教师: 陆介王)

Vahgyaj Simndei


善意的谎言

环江思恩镇人和小学四年级 蒙治友

Cuengqhag ma daengz ranz, gou dawz daehsaw gveng youq gwnz daizsijsaw, sing hung dwk doiq daxbuz naeuz: “Daxbuz, ngaiz cawj ndaej caengz, gou dungx iek raixcaix.”

“Aeya, caengz cawj ndaej bw, mwngz couh gwn gij mak neix gonq ba!” Gangj sat daxbuz couh dawz makgam gwnz daiz soet haeuj ndaw fwngz gou. Va, makgam henjrwgrwg, lumj aen daengloengz iq nei. Mbawheu gwnz gyauej gawq lumj mauh de, youh lumj byoem “gaeuyiengz” gwnz gyauej dahsau, gyaunde raixcaix. Gou mbiq hai naeng makgam, limq makgam bizlolo comz youq itheij, couh lumj beixnuengx caenmaed cingq gangjvah laeg-lemx nei, limq makgam mbehai haenx lumj dujduj va’ ngaeux hai nei, baenz limq baenz limq makgam lumj ronghndwen gungingetnet nei. Gou dawz limq makgam ndeu cuengq haeuj ndaw bak bae, makgam diemzsubsub!

Cingq youq seizneix gou yawjraen daxbuz youq ndaw ranzcawq nyaengq bae nyaengq dauq. Gou siengj: Gij mak neix dwg daxbuz sij mbouj ndaej gwn, louz hawj gou gwn. Daxbuz yienghneix gyaenz gou, gou baenzlawz naengz gag gwn ne. Hoeng, danghnaeuz gou cigsoh



hawj de gwn, de itdingh mbouj haengj gwn. Sawqmw, gou siengj ok aen banhfap ndei ndeu daeuj. Gou daengdaengq sing hung dwk hemq: “Daxbuz! Makgam caen soemj ya!” “Mbouj dwg ba?” “Mbouj saengq mwngz cimzcimz yawj.” Daxbuz dingz hong ndaw fwngz, byaij gvaqdaeuj. Ndawsim gou gig angq, sikhaek dawz limq makgam ndeu cuengq haeuj ndaw bak daxbuz bae. Daxbuz caengz gwn naj couh mbaeng gonq, hoeng daxbuz youh sihhaek riu lo, vix gyauej gou naeuz: “Mwngz boux lwngyez neix, majhung lo, rox hauqswnh lo!” Gou angq dwk youh diuq youh ciengq: “Daxbuz hwnjdangq lo! Daxbuz hwnjdangq lo!”

Ndit daengngoengz banhaemh daj conghe-cueng ciuq haeuj ndaw ranz daeuj, ndaw ranz raeujrubrub, gou caeuq daxbuz got youq itheij, ndit daengngoengz dawz ngauez dou rag ndaej raezrangrang……

angq ciengq go

Mbungqmbaj Mbin Ranz Gou

1=C $\frac{3}{4}$
cungh suz

Liengz Cangcenz swz
Nungz Gvangh hoiz

(6 5 6 5 3 | 5 3 5 3 2 | 5 - 1 | 2 - 5 | 3 - 2 1 | 1 - - | 1 - -) |

5 - 3 2 | 1 - - | 3. 1 3 1 | 5 - - |
Duj va - hoengz duj va - aeu

1 - 5 | 5 - 3 | 2. 3 2 1 | 2 - - |
bienq - baenz mbungq - mbaj mbin ranz gou,

3 - 2 3 | 1 - 5 | 3 - 2 3 | 1 - 5 |
dax - boh gou, dax - meh gou,

6 - 5 | 3 - 5 | 2. 3 2 1 | 1 - - |
yawj - raen mbungq - mbaj rox fung - sou,

6. 6 6 6 1 | 6 - - | i. 6 6 6 5 | 5 - - |
la la la la la la la la la la la

6 0 5 0 3 0 | 2 0 1 0 2 0 | 5 - 1 | 2 - 5 |
Seiz - cin daeuj, Va hai caeux ranz gou gungz - ndoq

3. 1 2 3 | 5 - - | 6 0 5 0 3 0 | 2 0 1 0 2 0 |
bienq - baenz fouq, Seiz - cin daeuj va hai caeux

5 - 3 | 2 - 3 | 2. 1 2 3 | 1 - - ||
ranz gou gungz - ndoq bienq - baenz fouq,